

困兩南

學鈔窗

齋
摘紀

錄腴談



兩

鈔

摘

腴

史
浩
輯

中
華
書
局

兩鈔摘腴

此據稗乘本影印
初編各叢書僅有
此本

兩鈔摘腴

元史 浩輯

五鳩者鴟鳩

鴟亦作鴟 趨別音沮 非

鳴鳩

疑即 是 播穀

祝鳩

一名 鵲鳩

爽鳩

大明之鷹 揚是也

鵲鳩

非是 班鳩

鵲巢之鳩

又在五鳩

之外

騶虞嚴氏作騶御虞人也非獸也呂氏作獸

左傳水昏正而裁裁築墻之板也

膏沐膏所以膏面沐蓋潘也米汁可以沐頭魯遣

展喜以膏沐勞齊師則非專婦人用也今之賜

面脂是也

葛儼云宛然左辟辟者避也蘇氏曰讓氏避者必左

河麋巧言彼何人斯居河之麋音眉傳曰水草交曰麋李氏曰左傳吾賜汝孟諸之麋

稷雪米雪毛詩補傳注先集維霰曰霰稷雪也或謂之米雪謂其粒若稷米然

醕酢醕導飲也欲以醕賓而先自飲以導之此飲觴之初自飲訖進酒於賓乃謂之醕酢報也賓既卒爵洗而酌主人也

中垢桑柔維彼不順征以中垢音苟中垢猶內汙也

蓋以閨門之事汙穢之若王鳳之誣毀王商

鵠金載見條革有鵠

鵠音鑄

箋曰鵠金飾貌疑今世

所謂搶金者以平聲爲去聲呼耳

王祥卧冰按晉本傳及陽秋云祥性至孝繼母朱氏疾嘗欲生魚時天寒冰凍解衣將剖冰求之冰忽自解雙鯉躍出持之而歸無卧冰事

司馬德操別傳曰時人有以人物問徽者每輒言佳其婦諫曰人質所疑君宜辯論而一皆言佳豈人之所以問君意乎徽曰如君所言亦復佳王逸少帖奉橘三百顆霜未降未可多得卽東坡

所書劉景文所藏王子敬帖所謂君家兩行十二字氣壓鄴侯三萬籤者是也按元章書史云王獻之送梨帖今送梨三百顆未雪殊不佳耳又東坡詩話云子敬黃柑三百顆帖在劉景文處或以爲橘或爲梨爲柑莫知孰是也

國語施優謂里克曰主孟昭我注云大夫之妻從夫稱主而孟則里克妻字也

韓詩綽虐顧我顏不懽東坡詩一語遭綽虐失身墜蓬萊

東坡秧馬歌以我兩足爲四蹄聳踊滑汰如鳬鷖

汰入
聲

越中有戢草葉似蕎麥地肥亦能蔓生莖紫赤色
多生山谷陰處吳越春秋云越王嗜戢嘗采此
山故名本草云關中謂之菹葉齊民要術亦有
戢菹法然生擷之微有臭氣凶年民斲根食之
諺曰豐年惡爾臭荒年賴爾救今所謂魚腥草
是爐火家謂之天蕎麥能爛五石作泥

蜀蔬有兩巢菜大巢豌豆之不實者小巢生稻中
東坡所賦元修菜也吳中絕多名漂搖草一名
野蠶豆俗以油燂粉餌綴之米糝名荳蔻花取其

近似也放翁詩云新燂餚枝綴紅糝

燂綴二字頗新

蔗霜卽糖霜黃魯直答雍熙長老寄糖霜詩遠寄
蔗霜知有味又糖霜譜曰遂寧有糖水冠於四
郡

方言以濡滯不決絕爲絮猶絮之柔韌牽連無邊
幅也富韓竝相時偶有一事富公疑之久不決
韓謂富曰公又絮富變色曰絮是何言也劉夷
叔嘗用爲如夢令云休休絮絮我自明朝歸去
胡文定公家至貧轉徙流寓遂至空乏然貧之一
字於新故間非惟口所不道亦手所不書嘗戒

子弟曰對人言貧其意將何求汝曹志之

宣和盛時所在有靈芝朱艸祥異之獻賀表殆無
虛日會朝廷進築順州城得一物於土中其形
如葵仙家所謂千年枸杞根所化者主者得之
喜甚於是馳貢闕庭蓋徽宗生於壬戌正符所
屬之辰尤以爲美祥宰臣欲以詰朝拜表稱賀
諸公閣筆先是庠序久束王氏之學不爲應用
之文時有舊太學生基崇禮者素善此主者延
至東閣授以此題基從容屬聯妙絕一時首曰
靈根夜吠變異質於千年驛騎朝馳薦聖人之

萬歲眷荒裔沉淪之久實王師恢復之初物豈
無知時各有待綦字叔原

風景不殊舉目有山河之異此江左新亭語尋常
讀去不曉其說蓋洛陽四山圍伊洛瀍澗在中
而建康亦四山圍秦淮直在中故云耳所以李
白詩云山似洛陽多許渾詩云只有青山似洛
中

李商隱詩云洛陽宮殿鬱嵯峨六國樓臺艷綺羅
自是當年秦帝醉不關天地有山河末兩句不
可曉南昌裘同論詩以爲秦帝合作天帝天地

合作秦地事在張平子西京賦曰昔者大帝悅
穆公而覲之饗以鈞天廣樂帝有醉焉乃爲金
策錫用此土而剪諸鶉首是時也竝爲強國者
有六然而四海同宅西秦豈詭哉李善曰昔秦
穆公嘗如此七日而寤嗚呼天帝有時而醉耶
貌言視聽思曰五事孔子告顏子視聽言動非不
及思也思在其中也九思一章可見矣思爲四
事本五事亦還相爲本作五事銘

○貌銘曰貌曰恭君子容瞻視尊衣冠中匪色厲
內美克足恭者貌似同載僞拙滅德凶人肖貌

天地通玉溫溫春融融恭而安乃聽功

○言銘曰言有好言有莠口溺人招悔咎言曰從匪從口接以道發不苟滿天下垂永久多言哉中是守雷風行萬竅吼雷風息一何有

○視銘曰視何蔽月之翳翳不去月不麗目本明視何累可去乎非翳比翳外來視匪外外亦視何外內自神明自靜心止乎禮非勿視

○聽銘曰聽是非耳司之聲自物來無時耳亦物物交迷忽深省聽者神心太空物不違孰爲物吾何知虛能受聽在茲兢兢乎道心微

○思銘曰思無斲深莫測雖莫測有限闕不出位
分如石鏡中象應無迹思在心妙天則思神通
精之極是曰睿入聖域易無思思亦易

會稽自山陰南走剡東走上虞餘姚之間江山皆
奇麗清遠煙雲濃淡樓觀出沒有詩人画工所
不能模寫者故漢晉以來全德高行之士多萃
于是而方士瞿仙絕俗遺世者亦往往出焉史
浩蒙恩來守是邦得勝地湖中用道家法築宮
以祈兩宮壽因卽其兩廡左祠高士右奉列仙
皆作贊刻石以備會稽故事或謂鴟夷子皮之

決賀季真之潔不得名高士何也於乎予於是
豈無意哉夫貴於士者進退不失禮義彼子皮
之遺言人臣所不忍言而季真阿附時相年八
十六而黃冠東歸又使李林甫輩祖餞賦詩予
見其辱未見其榮也使子皮居嚴子陵之上季
真寘張子同之列則有不可者故具述之覬來
者知予之不敢苟而高士之不易稱也

漢嚴先生

光字子陵

王先生

亮字仲壬

袁先生

忠字正甫

桓先生

曄字文林

魏嵇先生

康字叔夜

晉孔先生

愉字敬康

虞先生

喜字仲寧

阮先生

裕字師曠

王先生

羲之字逸少

謝先生

敷字仲緒

戴先生

達字安道

宋朱先生

百年史失名

戴先生

顓字仲若

孔先生

復之字彥深

孔先生

祐史失字

齊褚先生

伯玉字元琮

梁何先生

胤字子季

唐秦先生

系字公緒

張先生

志和字子同

右高士十九人

越相范公

蠡字少伯

漢南昌尉梅公

福字子真

大尉鄭公

弘字巨君

魏先生

伯陽或
以爲字

薊先生

子訓

吳上虞令劉公

綱字
伯經

介先生

象字
元則

趙先生

廣信

虞先生

翁生

晉夏先生

純字
仲御

葛仙翁

玄字
孝先

抱朴子葛公

洪字
稚川

長史許公

謚字
思玄

齊顧先生

懌字
景怡

光祿大夫孔公

靈字
產史

杜先生

京字
產字

梁貞白陶先生

弘景字
通明

唐秘書監賀公

知章字
季真

宗元吳先生

筠字
真節

嚴先生

青

元英方先生

干字
雄飛